

Háamus Tiänu puáttee kuálástempaje pivdonjuolgâdsâin celkkimnáál

Tiänu puáttee keesi kuálástemraijittâsâin eres šlaajâi ko luosâ uásild láá kiergâttâm pevdikirjeháamus Suomâ já Taažâ koskâsijn ráđádâlmijn. Hámusist táttuh ciälkkámušâid 24.3 räi.

Suomâ já Taažâ láá ráđádâllâm puáttee kuálástempaje pivdonjuolgâdsâin eres šlaajâi ko luosâ uásild. Luosâpivdo rajittâsâi vaiguttâsâid viggeh kepidiđ nuuvt, ete lasetteh máhđulâšvuodâid eres šlaajâi pivdemân. Hámusist mađhâšeijeid fäalih moonnâm ive vyevi miel love, moin uázžu pivdeđ keppâ tolgevuoggâpivdopiergâsâin eres šlaajâid ko luosâ, meidei merâkuávžur. Ton lasseen merâkuávžur pivdemääigi iävtutteh pišted porgemáánu 20. peeivi räi tađe várás sierâ räijejum kuálástemsoojijn, main iä loppâkeesi ääigi vuojâ eres šlaajah.

Páiháliih pivdeeh puávtáččii kuálástiđ riddoost já kárbást stággoin. Tiänu tehálumosijd kuoškâsoojid Paje- já Vyelikivnâs, puáđáččii puoh stággupiivdon kyeskee rávhuiduttemkuávlu luosâ mieldisaallâs kepidem várás.

Ráđádâllâmpuáttus miäldásii pevdikirjeháamusist puáhtá celkkiđ 24.3.2023 räi. Pevdikirje lii áigumuš vuáláčäällid cuárjuimáánu aalgâ räi, vâi äigitääsi kuálástemnjuolgâdsâh Tiänun puátih tuárvi ääigild vuáimán.

Luosâpiivdon kyeskee taan ive kuálástemnjuolgâdsâin karttii ráđádâllâđ ovdâskode äigitavlui tiet nubenáál ko táválávt, jo čohčuv 2022, tast ko luosâpivdemnjuolgâdsâin kalga meridiđ laavâ tääsist. Täsivääldi president nonnij 3.3.2023 laavâ luosâpivdo meriäigâsâi kieldimist Tiänu čásáttuvâin. 1.5.2023 vuáimán puáttee laavâ miel luosâ lii rávhuiduttum já luosâpiivdon uáivildum pivdopiergâseh láá kieldum ive loopâ räi.

Ciälkkámušpivdem já toos lohtâseijee materiaal kávnnojeh staatâräädi hahâlaasâ-palvâlusâst <https://mmm.fi/hankkeet> sehe eennâm- já meccituáluministeriö nettisijđoin mmm.fi/lausunnolla.

Lasetiäđuh eennâm- já meccituáluministeriöst:

Vesa Ruusila, pivdotuáluräđiolmooš, p. 02951 62051, [vesa.ruusila\(at\)gov.fi](mailto:vesa.ruusila(at)gov.fi)

Tapio Hakaste, ráđádâllee virgeolmooš, p. 02951 62152, [tapio.hakaste\(at\)gov.fi](mailto:tapio.hakaste(at)gov.fi)